

समे – 12:25

<><><><><><>

### Mudra Yojna

प्रधानमंत्री नरेन्द्र मोदी होरें अज्ज नमीं दिल्ली च प्रधानमंत्री मुद्रा योजना दे 10 बरें पूरे होने दे मौके पर एहदे लाभार्थीं गी संबोधत करै करदे न। इस सिलसिले च आयोजित कार्यक्रम ठीक इसलै शुरू होआरदा ऐ। 2015 च शुरू कीती गेदी इस योजना तैहत अपना कम्म शुरू करने आलें लौहके उद्यमिं गी 10 लख रुपे तोड़ी दा दोहार उपलब्ध कराया जंदा ऐ ते एहदे लेई उनेंगी कोई जमानत बी जमा करोआने दी बी लोड़ नेई होंदी। प्रधानमंत्री नरेन्द्र मोदी होरें अज्ज प्रधानमंत्री मुद्रा योजना दे लाभार्थीं गी बधाई दिती, जिनदे जीवन च इस योजना कन्नै क्रांतिकारी बदलाव आया ऐ। एक सोशल मीडिया पोस्ट च उने आक्केआ जे पिछले 10 बरें च मुद्रा योजना नै केई सपनें गी हकीकत च बदली दिता ऐ। प्रधानमंत्री होरें इस गल्ला पर बीजोर पाया जे इस योजना नै एह साबित करी दिता ऐ जे देश दे लोकें आस्तै किश भी असंभव नेई ऐ। उने एह दस्सेआ जे मुद्रा योजना दे आधे लाभार्थी अनुसूचित जाति, अनुसूचित जन जाति ते ओबीसी समुदायें थावा औन्दे न। ते इसदे च 70 प्रतिशत सोयां मतियां लाभार्थी महिला न। उने एह भरोसा बी दोआया जे सरकार इक मजबूत पारिस्थितिकी तंत्र बनाने पर ध्यान केंद्रित करौग, जितेथे हर इच्छाशक्ति रखने आले उद्यमी दी क्रेडिट तकर पुज्ज होए, जेदे कन्ने उनें गी अगगे बदने दा आत्मविश्वास ते अगगे बदने दा मौका हासिल होऐ।

<><><><><><>

### President

राष्ट्रपति द्रौपदी मुर्मू होरें पुर्तगाल दे लिस्बन शैहरे दे प्रतिष्ठित सम्मान Key to City of Lisbon प्रदान कीता गेआ। ऐतिहासक कैमारा म्यूनिसिपल ते लिस्बो-आ च मेयर होरें राष्ट्रपति मुर्मू होरें गी प्रतीकात्मक तौर पर लिस्बन शैहर दी मानद नागरिक दे तौर पर मान्यता दित्ती। एह सम्मान शैहरा दा सब्बने थमां बड्डा सम्मान ऐ। समारोह गी संबोधत करदे होई राष्ट्रपति मुर्मू होरें आखेआ जे पुर्तगाल च भारतीय चौथे सब्बने थमां बड्डे समुदाय दी अगुवाई करदे न ते दौनें संस्कृतिं बशकार इक पुलै दा कम्म करदे होई अर्थबवस्था च महत्वपूर्ण योगदान दिंदे न।

<><><><><><>

### HM-Elec Sunveillance

केन्द्रीय गृहमंत्री अमित शाह होरें आखेआ जे सरकार मुल्खै दे बन्ने गी सुरक्षत करने लेई इलेक्ट्रानिक निगरान सरिस्ता ला'रदी ऐ। एहउदे कन्नै जमीन हेठ बनी दी सुरंगें दा पता लाने ते उनेंगी नष्ट करने च मदद थोग। एहदे कन्नै बन्ने पारा थमां होने आली घुसपैठ कन्नै निबड़ने च मदद थोग। उनें आखेआ जे इस तकनीक कन्नै पुज्ज बधोग ते एहदे कन्नो कन्नी जमीन हेठ आली सुरंगे दा पता लाने, उनेंगी नष्ट करने च बी मदद थोग। आकाशवाणी दे जम्मू संवाददाता दी रिपोर्ट मूजब कठुआ जिले दे हीरानगर सेक्टर आले अंतर्राष्ट्रीय बन्ने कन्ने लगदी अगेत्री चौकी "विनय" कश बीएसएफ कर्मिं गी संबोधत कीता। उनें बलें दे योगदान दी सराहना कीती ते चुनौतीपूर्ण हालात च अपनी ड्यूटी गी अंजाम देने लेई उंदी सिफ्त कीती।

<><><><><><>

## DGP

पुलस महानिदेशक नलिन प्रभात होरें आखेआ जे जम्मू कश्मीर च आतंकवादी सरबंधी तंत्र आतंकवादिणं गी सैहयोग उपलब्ध करोआने आले ढांचे गी नश्ट कीता गेआ ऐ। आकाशवाणी दे जम्मू संवाददाता नै जानकारी दित्ती ऐ जे गृहमंत्री अमित शा हुंदी जीरो टैरर यानि आतंकवाद गी दना बी नेई बर्दाश्त करने आली रणनीति दी गल्ल करदे होई डीजीपी होरें आखेआ जे जिसलै तोड़ी जम्मू कश्मीर च आतंकवाद पूरी चाल्ली खत्म नेई होई जंदा, उसलै तोड़ी सुरक्षा कर्मी अपनेजतन करदे रौहगन। नलिन प्रीमात होरें एह गल्ल कल गृहमंत्री हुंदे आस्सेआ शहीदें दे परोआर आलें गी नियुक्ति पत्र भेंट करने मगरा इक किटूठ गी संबोधत करदे होई आखी। एह नियुक्ति पत्र राजभवन जम्मू च इक विशेष कार्यक्रम दरान दित्ते गे।

<><><><><><>

## Forest Review Meet

जंगलात ते पर्यावरण मंत्री जावेद अहमद राणा होरें सिविल सचिवालय जम्मू च बैठक लाइयै जंगलात मैहकमे सरबंधत विकास योजनां ते मुख्य मुख्य पैहलुएं बारे चर्चा कीती। बैठक च जंगलात मैहकमे दियां कमीशनर सैक्रेटरी ते होर दुए अला अफसर बी मजूद हे। बैठक दरान मंत्री होरें प्रशासनिक मामले च पारदर्शिता ते जवाबदेही जकीनी बनाने पर जोर दित्ता। उनें अधिकारिणं गी कर्मचारी सरबंधत मसलें दा बी समे सिर नबेड़ा करने लेई आखेआ तां जे साकारात्मक कम्मकाजी माहौल बनेआ रवै। मंत्री होर इक ऑनलाइन पोर्टल बनाने दे बी निर्देश दित्ते तां जे सरबंधत मैहकमे दी प्रक्रिया होर बेहतर होई सकन।

<><><><><><>

## By Election

भारतीय चुनां आयोग दे दिशा निर्देश मूजब बडगाम ते नगरोंटा असैंबली हल्के लेई औंदे उप-चुनाएं लेई मतदान केन्द्रें गी युक्तिसंगत बनाने दा कम्म सबूरा होई गेआ ऐ। आकाशवाणी दे जम्मू संवाददाता नै जानकारी दित्ती ऐ जे औने आले उप-चुनाएं गी पारदर्शक ते रमानदारी कन्नै करोआना जकीनी बनाने लेई एह प्रक्रिया इसलै चला'रदी तैआरिणं दा इक हिस्सा ऐ। बडगाम विधानसभा हल्के च मतदान केन्द्रें गी 1 सौ 56 थमां बधाइयै 173 करी दित्ता गेआ ऐ। जिसलै नगरोंटा हल्के च 145 मतदान केन्द्र गी बधाइयै 150 कीता गेआ ऐ।

<><><><><><>

## Poonch-PMAY-G

पुंछ दे जिला विकास आयुक्त विकास कुंडल हुंदे नेतृत्व च पुंछ जिले नै इक शानदार उपलब्धि हासल कीती ऐ। माली ब'रे 2024-25 च जिले च प्रधानमंत्री आवास योजना ग्रामीण तैहूत रिकार्ड 14 ज्हार 737 घर बनाए गे न। एह उपलब्धि जिले च ग्रामीण विकास लेई प्रतिबद्धता दे अलावा हाउसिंग फॉर ऑल राश्ट्रीय पैहलकदमी गी तरजीह देइयै समावेशी विकास जकीनी बनाने दी उंदे वचनबद्धता गी दर्शादी ऐ। एहदे अलावा 1 अरब 46 करोड़ 31 लख 50 ज्हार रपे दी राशि 39 ज्हार 64 लाभार्थिणं दे बैंक खाते च सिद्धे तौरा पर जमा कराई गई।

<><><><><><>

IPL

आईपीएल क्रिकेट च रॉयल चैलेंजर्स बेंगलुरु नै मुंबई इंडियन्स गी मुंबई दे वानखेडे स्टेडियम च 12 रंजें कन्नै हराया। अज्ज दपैहरी विशाखापटनम च सनराईजर्स हैदराबाद दा मकाबला दिल्ली कैपिटल्स कन्नै होग ते संजा गुवाहाटी च राजस्थान रॉयल्स दा मकाबला चेन्नई सुपर किंग्स कन्नै होग।

<><><><><><>